

ցիսն, մանաւանդ այնց որք են հեռի ի քաղաքէն: Կնքահարք մեծամեծք անձինք էին...: ...Եկող զնացող, թէ հայք և թէ Ֆրանկք բազումք են, ոչ անցանի օր, որ ոչ գայցեն օտարականք, յանցեալ կիրակի կանուխ եկին ոմանք զաբանցիք առ ի լսելոյ զպաշտօնն, այսինքն զգիշերաժամն և զճայնաւոր պատարագն...:

Թուին փրկչին 1718
Օգոս. 20 ի Վէնէտիկ

Նուատագունեղ ծառայ
Եղիա վարդապետ

ԺԴ.

Աբբահօր կը գրէ դարձեալ Հ. Եղիա ազգային շահեկան տեղեկութիւններ: «Օգսէնտ եպիսկոպոս Մաճարու» ակնարկութիւնը անշուշտ կերլա հայաքաղքին հիմնադիր Օգսէնտ վրդպտ. Վրգարեանն է, որ Դրանսիլվանիոյ Հայոց եպիսկոպոսն էր. (տես Հայք յԵղիսարեթ ու պոլիս Դրանսիլուանիոյ Հ. Գրիգոր Վ. Գո՛ւ վրիկեանի, այժմու Արք. և Ընդհ. Աբբահօր Մխիթարեանց Վիեննայի):

Գերայարգեցելոյ տեսն տեսն Մխիթարայ վարդապետի
Արքայ Հօր մերոյ

... իմա զայս, զի ի մաճարոյ ոմն քահանայ եկն աստ (զայս յօնան եպիսկոպոսն չիմանայ), ընդ նմա գոլով եղբօրորդի օգսէնտ եպիսկոպոսին մաճարու, ինքն է իբրև չորեքտասան ամաց և կամ հնգետասան ամաց, և եկեալ է ընդ քահանային գալ ի հոսմ մտանել ի գուլէճն, իսկ քահանայն է յայն քաղաքէ մաճարոյ, որ է բուն հայոց՝ տրեցեալ ի կայսերէն¹ նոցա, իշխանութիւն դատելոյ, այսինքն ունին իշխանութիւն դատաստան առնելոյ: Գոն աւելի քան զերեք հարիւր տունք, և բարուք մեծ քաղաք իմն է դաշտաւոր, և ի սմին նահանգիս գտանին աւելի քան զութ հարիւր տունք հայոց. բայց զի ժողովուրդ այսորիկ քաղաքիս, թէպէտ ի ժամանակս օգսէնտին լեալք են ուղղափառք, սակայն այժմ ոչ են այնպիսի որպէս էին երեկն և եռանդն. և այս թէ մեծամեծք և թէ ոամիկք. միայն զշուր խառնելն ունին ի պատարագ, և համբաւեն զինքեանս գոլ ուղղափառ առ պետութիւնս քրիստոնէից, թէ առ հոգևորս և թէ առ մարմնաւորս, այսինքն թէ առ եպիսկոպոսս և թէ առ իշխանս ենթ որոց են, բայց ի ժողովս և ի յեկեղեցիս իւրեանց վարին, զրէթէ այնպէս ամենեկմբ որպէս հերձուածող հայսն, թէ ըստ տօնին և թէ ի յայլս բնաւս ծէս և ի յաւանդութիւնս: Եւ այժմ ոչ ունին զեպիսկոպոս կամ զհովիւ ոք. իսկ այս քահանայս գոլով բարեպաշտ՝ տեսեալ թէ ոչ կարէ նոցա օգտել, դիմեալ է աստ գալ, և տանիլ զխաչատուր վարդապետն ի քաղաքն այն, առ ի ուղղել զնոսին քարոզութեամբ և խրատիւ. և կամ թէ սա ոչ երթիցէ, դիտէ գալ ի հոռմ, և խնդրել զմի ի տղայոց զպրատանն և տանիլ անդ: Իսկ խաչատուր վ. ընկալեալ զսոյն քահանայս, ասաց նմա, թէ քեզ ոչ տան զոք ի տղայոց զպրատան, կացջիր աստ, և գայ արբայ հայրն, և նա տացէ քեզ զմի ոմն ի վարդապետաց, և տարցես անդ. և այսպէս զքահանայն իմով թոյլատուութեամբս արգելեաց աստ մինչև ի գալ քոյ:...

ՅԱՄԻ տեսառն 1718. հոկտեմբերի 12
ի քաղաքն վէնէտիկու

Քոյոյ գերագանցութեանն
նուատագունեղ ծառայ
Եղիա վարդապետ

1. Որ է Լէոբուտոս կայսր